

49  
15. mars

## Reglugjörð

### um notkun rafmagns og meðferð rafmagnsstraums í Eskifjarðarhreppi.

#### 1. gr.

Rafmagnsstöð Eskifjarðarhrepps selur öllum rafmagn innan þes. svæðis, sem taugar stöðvarinnar ná yfir, að svo miklu leyti sem afl stöðvarinnar nægir til, samkvæmt eftirfylgjandi skilmálum.

#### 2. gr.

Meðan rafmagnið er eingöngu notað til lýsingar, verður rafveitustöðinni lokað yfir tímabilið frá 15. maí til 1. ágúst ár hvert, svo og á hverjum degi meðan dagsbirta er nægileg og ljósa þarf ekki við. Breytingar á þessu ákveður hreppsnefndin fyrir ákveðinn tíma í senn, eftir því sem við á, og eftir því, til hvers rafmagnið frekar verður notað, og verða þær breytingar auglýstar notendum með hæfilegum fyrirvara.

Á þeim tíma, sem vjelarnar eiga að vera í gangi, má því að eins stöðva þær eða taka af strauminn, að brýna nauðsyn beri til sökum aðgerða, er ekki verði hjá komist, og skal þá jafnan aftur hleypa straumnum í þræðina svo fljótt sem unt er.

Breytingar og aðgjörðir, svo og viðtengingar á nýjum línun skulu, að svo miklu leyti sem hægt er, fara fram á þeim tímum, sem stöðin er lokað. Komi það fyrir að stöðin sje lokað sökum aðgerða, sem ekki verður hjá komist, lengur en tvo sólarhringa í senn á þeim tíma, sem hún á að vera opin, skal draga frá  $\frac{1}{300}$  af árgjaldinu hjá þeim, sem hafa straumtakmarkara, fyrir hvern sólarhring sem fram yfir er. Að öðru leyti ber hreppurinn enga ábyrgð gagnvart straumnotendum af lokun, sem stafar af ófyrirsjáanlegum atvikum, heldur verður skemdin bætt eins fljótt og unt er.

#### 3. gr.

Hver sem óskar að fá lagt inn til sín rafmagn, eða fá breytt eldri innlagningu, skal senda stöðvarstjóra skriflega beiðni um það með nákvæmum upplýsingum um það, hve mikið rafmagn hann vill fá alls, hve mikið til ljósa, suðu, vjela eða annars, hvort hann hugsar sjer seinna að bæta meiru við, og öðrum upplýsingum, nauðsynlegum fyrir innlagninguna. Stöðvarstjóri sendir umsóknina með sínum athugasemdum til fulltrúa hreppsnefndar, og hann ákveður því næst hvort innlagningin skuli leyfð eða ekki og hve mikið gjald skuli greitt. Stöðvar-

stjórinn tilkynnir umsækjanda úrskurð fulltrúans og skal sú tilkynning vera kom- **49**  
in til hans ekki seinna en 3 vikum eftir að stöðvarstjóri hefir fengið umsóknina. 15. mars  
Áður en byrjað er á innlagningunni, skal hlutaðeigandi með undirskrift sinni á  
einu eintaki þessarar reglugjörðar, skuldbinda sig til þess að uppfylla allar þær  
kröfur, sem reglugjörðin gjörir til hans. Pöntun á rafmagni sje bindandi fyrir eitt  
ár að minsta kosti. Hafi þá ekki verið sagt upp með mánaðar fyrirvara, skoð-  
ast pöntunin gildandi fyrir næsta ár o. s. frv.

#### 4. gr.

Húsálmur leggur rafmagnsstöðin á sinn kostnað frá aðalálmunum að hús-  
inu, alt að 35 metra. Standi hús lengra en 35 metra frá næstu aðalálmu, kostar  
húseigandi það, sem fram yfir fer, en stöðin lætur vinna verkið og kostar sjálf  
uppsetningu á öryggjum og takmarkara eða mæli. Ef sjerstakir erfiðleikar eru  
við lagning húsálmu, getur stöðin krafist endurgreiðslu á þeim kostnaði, sem af  
því hlýst, en ef svo stendur á, skal gjöra húseiganda aðvart fyrirfram. Aðal-  
taugakerfi stöðvarinnar má ekki stækka nema með samþykki hreppsnefndar.

#### 5. gr.

Innanhústaugar, lampa og önnur áhöld, vjelar o. s. frv., sem setja á í  
samband við rafveituna, skal setja upp á kostnað hlutaðeiganda af löggiltum inn-  
lagningarmanni. Enginn nema þeir, sem hreppsnefndin löggildir til þess, mega  
leggja inn taugar, setja upp lampa eða önnur rafmagnsáhöld eða vjelar, nje held-  
ur að neinu leyti breyta eldri innlagningu.

#### 6. gr.

Nú hafa verið lagðar inn taugar eða áhöld sett í hús, eða breyting verið  
gerð á eldri innlagningu, má þá ekki taka innlagninguna til afnota fyr en stöðv-  
arstjóri hefir skoðað og prófað innlagninguna alla og vottað að hún sje fullnægj-  
andi. Áltíð innlagningin ófullnægjandi, skal hlutaðeigandi innlagningarmaður  
laga hana þannig, að hún sje fullnægjandi.

#### 7. gr.

Enginn má án leyfis fulltrúa hreppsnefndar taka rafmagn úr taugakerfi  
hreppsins, nje ótilkvaddur brjóta innsigli stöðvarinnar, og ekki heldur aðhafast  
neitt það, er valdið geti skemdu á rafmagnstaugum eða öðrum rafmagnstækjum,  
sem notuð eru í sambandi við taugarnar, hvort heldur er í húsi hans eða utan  
þess. Brjóti nokkur gegn ákvæði þessu, skal hann greiða fullar skaðabætur og  
sæta sektum, sje verkið ekki þannig vaxið, að þyngri refsing liggi við samkvæmt  
hegningarlögunum.

## 49

15. mars

## 8. gr.

Hver rafmagnsnotandi er skyldur að sjá um að innlagning hans sje ætíð í góðu lagi. Komi ólag á rafmagnstaugar eða rafmagnstæki í húsi, þannig að skemdum valdi á taugum eða áhöldum rafveitunnar, t. d. að öryggi hrökkvi í sundur, mælar eða takmarkarar skemmist, þá skal húsráðandi tafarlaust tjá það stöðvarstjóra eða fulltrúa hreppsnefndar. Þar sem rafmagn er notað til ljósa, skal varast að taka í sundur ljóstækin, straumsnerlana, tengihylkin o. s. frv.

Þar sem rafmagn er notað til suðu eða hitunar, ber þess að gæta, að suðu- eða hitunaráhöldin standi ekki svo nálægt veggjum, að brunahætta stafi af. Húsráðandi ber ábyrgð á öryggjum innan húss en rafmagnstöðin utan.

## 9. gr.

Fulltrúa hreppsnefndar er heimilt að banna að nota lampa og áhöld, sem eftir álit hans eru talin ótrygg eða til tálmunar góðum rekstri. Sjerstaklega skulu vjelar vera þannig gjörðar, að þær byrji ekki ganginn eða stöðvi hann snögglega, heldur jafnt, svo það hafi ekki áhrif á ljósin.

## 10. gr.

Stöðvarstjóri og umboðsmaður hreppsnefndar skulu ætíð hafa frjálstan aðgang alstaðar þar sem taugar og áhöld eru í sambandi við aðaltaugarnar, til þess að rannsaka hvort alt er í lagi.

## 11. gr.

Nú vanrækir rafmagnsnotandi skyldur þær, er hann hefir samkvæmt þessari reglugjörð; skal þá stöðinni heimilt að slíta sambandi við hann og ber notandi fulla ábyrgð á öllum afleiðingum, sem af vanrækslunni kunna að stafa.

## 12. gr.

Þegar sjerstaklega stendur á, er hreppsnefndinni heimilt að veita undanþágu frá ákvæðum þessarar reglugjörðar. Rísi ágreiningur útaf einstökum ákvæðum, sker hreppsnefndin úr og má áfrýja þeim úrskurði til lögreglustjóra.

## 13. gr.

Stjórn rafveitunnar er fulltrúi hreppsnefndar, sem kosinn er til eins árs í senn, og stöðvarstjóri, er hreppsnefndin skipar. Stöðvarstjóra ber að fylgja í öllu fyrirskipun fulltrúa hreppsnefndar, en fulltrúi gefur á ári hverju hreppsnefndinni skýrslu um störf stöðvarinnar um leið og ársreikningur er lagður

fram. Hreppsnefndin hefir yfirumsjón stöðvarinnar á hendi og gefur fulltrúanum skipunarbrjef. **49**  
15. mars

Fulltrúi hreppsnefndar annast innheimtu á gjöldum til stöðvarinnar, hefir alla reikningsfærslu á hendi og greiðir öll gjöld stöðvarinnar, ræður menn til vinnu þegar þarf, pantar efni í samráði við stöðvarstjóra og hefir alla framkvæmd á hendi og semur ársreikning um tekjur og gjöld stöðvarinnar. Reikningsárið er frá færdögum til færdaga ár hvert.

14. gr.

Það er skilyrði fyrir sambandi við rafveituna, að notendur kaupi hjá henni alla lampa og önnur áhöld, er nota á í sambandi við taugakerfi hennar, eða hjá þeim manni, sem hreppsnefndin eða fulltrúi hennar vísar til.

15. gr.

Reglugjörð þessari og gjaldskránni má breyta með samþykki stjórnarráðsins.

16. gr.

Brot gegn reglugjörð þessari varða sektum allt að 100 kr., sem renna í sveitarsjóð Eskifjarðarhrepps, og skal farið með mál útaf því, sem almennum lögreglumál.

Reglugjörð þessi er hjermeð sett, samkvæmt lögum nr. 51, 3. nóvember 1915, um rafmagnsveitur, og birt til eftirbreytni öllum þeim, sem hlut eiga að máli.

**Í stjórnarráði Íslands, 15. mars 1916.**

**Einar Arnórsson.**

\_\_\_\_\_  
Jón Hermannsson.